

欽
定
全
唐
文

欽定全唐文卷三百六十五目錄

游方

任城縣橋亭記

沈興宗

對賜則出就判

大唐開元寺故禪師貞和尚塔銘

并序

張思鼎

對城邑判

敬騫

射隼高墉賦

盧諲

彈棊賦

楊諫

公孫宏開東閣賦

大蜡賦

珪璋特達賦

月映清淮流賦

南有嘉魚賦

新渾儀賦

張之宏

充公頌

萬楚

對冀田判

崔恁

對履畝判

孫恂

唐韻序

于休烈

請停命婦入朝奏

張良不合配饗太公奏

請搜訪國史奏

請不賜吐蕃書籍疏

蔡希綜

法書論

法書論

欽定全唐文卷三百六十五

游方

方開元中將仕郎守任城尉

任城縣橋亭記

唐再受命能事備於開元乃十有三年告成於岱翠華之
往也則北巡濟河玉軼之旋也則南指陳宋故行宮御路
次夫任城焉陽門橋者跨泗之別流當魯之要術初隨時
以旣濟因大駕而改功觀其壅川爲池因地設險削金堰
於馳道甃石門以飛橋夾以朱欄揭以華表炳若星漢拖

如虹蜺蓋乘輿乃以陽朝御六龍翊萬騎聲明紀律文物
比象迴睿覽於洲渚駐天蹕於川梁先時望君之來也則
金繩以界之鐵鎖以扃之厥後榮君之顧也則浚池以廣
之築館以旌之經始茲宇惠而不費當儲峙之未有芻粟
之餘散之則人獲鹽錢鳩之則勤以千計請爲亭館以壯
橋池故鄉老白於吏邑吏謀於府因人之欲得事之宜礬
鼓不勝工力徒競鬱爲層構在水之陽壓鮮原以迴出流
古壙而却倚危欄巘巘反宇峨峨勢搖烟潭岌若飛動南
軒虛明以晃朗北室懿渟而清泠自堂徂亭邐迤幽徑上

覆藤篠前臨芰荷憑高佇目萬象皆見夫河南之勝有三
橋亭得其一梁園有梁王之迹圃田有僕射之陂平池曲
榭美則美矣豈與夫島嶼開合林嶂蔽虧旁薄大荒吐納
霞景畫橋南度像清洛之規虛館

闕一字

臨叶滄洲之趣有

是夫有是夫任風姓之國也謠俗古遠其太昊氏之遺人
富而教之合於魯頌當太平無事而朝野多歡不然此池
何以得花縣之名吾僚何以得仙舟之目不其

闕一字

而時

則有若邑大夫滎陽鄭公延華信昭盈缶道契虛舟禮樂
之行仁德歸厚丞范陽盧瓚主簿平昌孟景尉瑯琊王子

言尉河東裴迴皆士林英華學府金碧能勤在公之節無
廢會友之文嘗授簡於方以爲之記會方有公車之召請
俟於異時金鄉尉潁川韓邠卿舍於裴氏言於衆曰游子
之讓斯文以諸公在此諸公之意也子何辭焉因命秉燭
俾方操翰夜而成記翌日遂行開元廿六年秋七月旬有
四日云

沈興宗

興宗字季長與李華同時

對賜則出就判

甲賜則有司令其出就訴云未成

王者建德是啟苴茅諸侯象賢必異名數器服將施於九
命蒲穀攸彰於五等惟甲筮仕當年彈冠上國梓材晉用
羔鴈周行方參叔豹之名未就伯禽之典稽諸載策闔以
等威元士率視於附庸賜命不同於列國異唐侯之桐葉
未翦參墟如鄭武之緇衣尚勤周政提封匪盈萬井旌旗
猶闕九旒丞相出關昔聞其語絳侯就國今則未宜請詳
訴者之詞無縱有司之糾

大唐開元寺故禪師貞和尚塔銘

并序

禪師諱貞茲郡京兆人也俗姓張氏自輪奐規唐貂蟬蔚

漢姜宋莫齒袁楊肯倫師泛浪知清依林擇茂將揮聖姓

載願華宗年弱冠秀才登科知名太學以爲儒家非正諦

文字增妄想故去彼取此而爲上乘因亦旣

闕一字

緒遂受

衡陽止觀門居于洛陽白馬寺口不絕誦習心不離三昧

問一妙字

之慧萌剌賴耶之濁種庶滅裂有我于盤無

生焉後隸此郡開元寺又以爲喧者起之本靜者定之緣

利緣舍起故復居此窟茨廡藥蔬之妙受谿篁獻捌之勝

塵可畧言矣前刺史故丞相齊公崔日用吏部尚書李嵩

皆頂奉山宇斯豈元道歟然而

闕一字

熊軾痘龍宮紆紫綬

稽紂

闕二字

以惕凡庶之見聞兆昏蒙之

闕一字

嚮

闕一字

以開

元十三年九月十八日

闕一字

減于開元

闕一字

舍春秋八十

有四物慘烟雲哀纏黑白塗

闕一字

隕泣人到於今僧弟子

宗本覺枝外茂

闕一字

性內融三晉公侯旋師子夏伯喈墳

籍悉付仲宣痛微言之絕聆感星躔之易次遂爲銘曰

圓凝寂體兮邈彼真如

闕二字

無明兮儻若遽廬慈梁過

馬

今歲月其除松栗宵冥兮宛此幽居

張思鼎

欽定全唐文

卷三百六十五

沈與宗

張思鼎

四

思鼎天寶時官侍御史

對城邑判

甲將仞邑乙不從命比周狗以屬之損乙

大道旣隱天下爲家度土以居人量地而制邑將興版築

必俟命

一作金

槌劃以斷岸長雲負以重城四郭孟軻五畝

匪宅是營孔某數仞爰茲仰止生異里仁之美行多嫉惡
之辭苟此不從胡施而可棄人用犬雖猛何爲且闔門塞
竇在明時而難許比周阿黨豈君子之攸宜損乙旣謝於
當全罪甲庶期於無訟然恐造有妨害兆有吉凶或利晉

而闕秦將抑彼而就此各從所便不亦宜乎

敬騫

騫開元時官監察御史

射隼高墉賦

以君子藏器待時爲韻

養形元豹兮以隱霧而成文振羽飛蛾兮因附火而自焚
彼紛然之落隼識昧此而喪羣誠不知高非小者所處靜
爲躁者之君苟失度而棲適將受斃而何云且夫長墉崇
崇矗若雲峙飛隼毚毚倏隨風止曾不料其微陋焉更知
其休否故疾惡之夫善射之子操騂角之弓調白羽之矢

欽定全唐文

卷三百六十五

張思鼎

敬騫

五

縱穿揚之妙呈落雁之美量遠近於目端審高下於規裏
紛洞胷而達腋果裂嗟而破嘴原夫剛鏃初架勁弦正張
引彎彎之月影迸的的之星光鏹毛羽之振迅挫容貌之
昂藏審必中而後發固焉用而不臧若乃處身順理投跡
知常時決起而無滯或怒飛而有方烟雲足以遐賞翳薈
足以來翔必絕捐軀之患豈貽在殼之殃是則素有雋志
往無不利藏器者人獲隼者器矢應弦而上激禽應矢而
橫墜微隼諒比於小人高墉亦方於重位苟不戒於遊處
曾何免於顛躓士有五善斯在載櫜有待麗龜之知未忘

貫隼之誠勿改幸文武之不墜希葑菲之必采則知發矢
有期獲禽俟時想大易之靈文微言何蹟稽高墉之元象
壯志空持既是則而是倣永念茲而在茲

盧諭

諭開元時官戶部金部員外郎

彈碁賦

惟古人之眾技必有託而觀智既垂誠以爲喻故求能而
不累見小人矜捷之迹識君子安全之義孰謂猶賢在於
茲戲觀乎局之爲狀也下方廣以法地上圓高以象天起

而能伏危而不懸四隅咸舉四達無偏居中謂之豐腹在末謂之緣邊綦之爲數也各一十二景其始布也各以其類乃分其位環合相承櫛比爲次其始作也則云其末

一作

密

未之爲難乃契謀衆指意或多端欲因先以獲勝恐致

危以思安每遇敵其增惕故用之而假歡則有飛迅一擊

紛紜旣散慮加少以爲多實思危而不亂謀而後動審而

方按或始否而終亨或先傾而後嘆

一作滿

若乃臨邊却舞

徑

一作經

天迴越必在知機之微騁異而發至如垂空勁往

應心得雋雖具美於踰平終易虧於履峻是知冒險者忘

於趨進規利者失於戒慎豈與夫所適多方所求惟順因其利不失於得追其遠若歸於信乍從容以周旋時倏忽於一瞬伊眾趣之無極諒所戒以唯貪苟能知其義者無棄學而遐耽

楊諫

諫官永樂丞

公孫宏開東閣賦

以風勢聲理暢
休實久爲韻

君立相以道崇相輔仁而協同庶輯多士允釐百工始於其家且有招賢之義刑於四海大啟尚賢之風猗乎哉漢

武照臨之秋孫宏輔弼之歲能好善以逮下不恃貴而怙勢子興視夜居賓閣而猶聞鶯鳴在春知賢路之不蔽道有行止時有興廢唯盛明則多士乃知人則下事遇風雨而不易將安樂以無替善乎立身誰爲之繼夫拔茅者利其彙征開閣者求其友生茅思同茹友貴同榮故秩秩執初筵之禮丁丁諧伐木之聲在貴則勿遺乎賤於舊而孰能無情況閣可以備時之燥濕相可以爲君之聽視賢是斯來賓是攸止升降出入溫柔之始脫粟布被雖逢汲黯之嗤下薦上聞竟遇漢皇之美況親仁而又崇此亦存乎

下理動不爲妄德風遐暢善固有由仁聲允休豈比夫漢
臣崇奢後堂空羅夫妓樂齊相爲隘累年不易其狐裘者
哉惟其人心酌乎故實德不遐棄敬之終吉然後知埽門
者亦孔之醜望塵者未離乎咎當效平津而延賓知可大
而可久

大蜡賦

以暮冬律變新
陽載動爲韻

大蜡之祭今所以饗田神賞農務陰律窮元冬暮星迴於
舊列日極於餘度必也介僎謀牲牲具狐裘以黃皮弁以
素蓋欲息田夫而襄歲賦夫搜索之謂蜡閉藏之謂冬其

索也可以舉羣祀其藏也可以勞三農欲碩苗而不害則
迎貓墜於田鼠俾昆蟲之無作則祭坊與夫水庸以夫月
建丑日在戌磔犧牲之體所以尚其腥登水草之菹所以
貴其質詠豳詩以合雅擊土鼓以應律瑞穰穰芬苾苾百
日之勤一日之薦或酬或酢旣騰觚於無算爲宮爲徵方
播樂於六變命清祀兮在殷復嘉平兮處秦繁率仁而終
義實草故而迎新樂舉斯陶嗤子貢之來覲禮成而出美
仲尼之爲賓故聖人之舉事也務於崇勸戒敦否臧樹之
瓜華告多藏者必覆致乎女鹿示不德者斯亡豈唯乎其

儀抑抑其樂洋洋是以伊耆之禮不易大羅之職有常嗣
歲將興或祈穀於上帝人才不匱或觀政於四方則知德
厚者必祀功高者必載司嗇之祐維永瑞於我唐先炊之
神豈獨見於前代故曰蜡也移萬人登百種可以志陰陽
之變動

珪璋特達賦

稽上古之貴德考先聖之立言偉珪璋之挺異同君子之
不諼是以先王之制斯器也不資於璵璣而采之於璵璠
欲使執之者比德佩之者克念自然威儀式序而有要有

倫班秩以明而不濫不僭徒觀夫貂蟬巍峨以耀彩組綬
輝映以生文使夫閱信義堅貞以守職感瑕瑜不掩以事
君故能靖恭厥位克舉其勲豈不由珪璋與賢哲相成其
業曠千古而流芬則聖哲之創物也誠有足而稱云原夫
代人莫識荆山之裏藏精淪滓爲寶未用多歷年紀笑瓦
礫之相和喜蘭蓀之狎士嗟乎道不常屈終收卞子礪錯
而眞質自然拂拭而夜光特起悲楚君之瞽昧曷砭砭之
能似旣而玉人攻治珪璋自尊短長有制規矩攸存其聲
清越其潤溫溫處掌握而升玉砌隨佩服而列金門暉映

增美炯然自持涵瑞日之洞澈凜寒風之淒其然後知至
寶之成器允夫天下之不疑亦猶賢人君子遭遇惟時有
強學懷書清規皎如以不貪爲寶思琢磨自居感珪璋之
特達期哲人之吹噓

月映清淮流賦

以題
爲韻

地有四瀆其一也惟淮天有二曜其一也惟月月至明而
不阻遐邇淮至清而可鑒毫髮故澄澈而相暉沉埃壅而
初歇泛濫多象臃腫交映類藏冰之在玉壺如臨水之懸
明鏡引清潤而介若自潔和素光而終然不競千里伴孤

舟而浮百丈動纖鱗之泳此所謂物至淨而增其淨也如其孕靈納影委照淪精徐而匪濁攬之不盈蟾蜍下沉對蟾珠而增美璿源圓折混金波而更清皓鶴奪彩玉砂迷明如分舟子之望終起漁歌之聲此所謂物無情而感有情者也古人有引類爲贈因物傷懷風雲欲別琴酒相乖念居者已賦乎露濕寒草悲行者則想乎月映清淮蓋旨哉月以陰而合德水爲坎而處柔或麗天而成象或紀地而引流契仁者之理靜含道門之清幽有二美矣允乎於休將以求古之情多聞是務一則以紀其善一則以垂爲

裕以灰厭暈不學淮王之方進牘抽毫空作謝莊之賦

南有嘉魚賦

以樂得賢者
次用爲韻

后非賢不乂魚非水不託賢豈晦以養蒙魚在藻而自樂
故比事思理以徵以求如南有嘉魚是網是繳此所謂旌
別淑慝愛人治國爲鹽梅之器用作生靈之表則不然豈
延故老於終南收釣翁於渭北張皇勲業者棄此曾未得
我國家憂勞庶績寤寐求賢且束帛戔戔每布之於寰海
豈贈笥罩罩獨烝然於巨川吳坂不遺於騏驥丙穴載詠
於鱣鱣詩人格言必將興之於王國老氏遺戒不可脫之

於重泉所謂持竿執柄者未容易焉爰有深沈參對純嘏
雖臨增以及繳苟未高於天下徒噉喁於香餌終夷猶於
取舍儻鼎味之見珍甘殺身於庖者

新渾儀賦

夫象之大者曰天地理之廣者曰陰陽分八極懸三光不
言而化有形而彰雖羲氏代掌初聞乎欽若而疇人離散
覆亂其紀綱魏滅晉紹易齊爲梁莫革其弊有失其方將
以事極則反否泰何常故渾儀之制而新之我皇則天工
協謀鳧氏畢至燭洪鑪以效役鎔珍金以爲器管之應一

十二律罔極爲期天之列二十八宿各分爾位然仰觀俯
察以參以稽森羅乎象緯窮極乎端倪視朔於初時必書
於雲物履端於始歲如得乎攝提候月不殊於蓂草測景
方異乎土圭俾漢厯之黍累不失同舜年之風雨不迷且
人之常性也重更改貴因循罔知失善是與謀新更苟有
利何憚釐革循苟有失何必相因故天垂象聖人以審度
厯乖次聖人以創陳亦將利物安下適時補政齊上方之
斗極爲來代之龜鏡其義旣美於斯爲盛恐貽誚於不談
故形之乎賦詠

張之宏

之宏天寶中官曲阜縣令

克公頌

若昔帝軌覆王綱頽則孔聖挺生而憲章克復故能蓋人
極酌彝倫聲明有度文武不墜講德泗上橫經淹中

闕七
字

代嗚呼歐儒墨蹈仁義曠志鵬海服膺蟻術瑳琢金玉鑽
仰情性者其唯克公平公姓顏名回字子淵魯人也

闕七
字

十闕一字 惠困而能通休休焉拾塵著德貧而不仕衍衍焉

鼓琴自娛雖行藏坐忘黜聰墮體確乎不拔澹乎自持猶

以農

闕五

談岱嶽辨星精之騎及夫杏壇花白素王哀一

臂之交槐市葉青丹史煥四科之首輝光昭晰芝蘭鬱芬

年代浸遠久

闕三

美哉偉歟美哉偉歟之宏刻鵠見嗤雕

龍寡譽昔往神仙之郡未繫想於王喬今來禮樂之鄉猥

飛聲於空賤徒以絃歌叶

闕三

翟之朝飛冰鏡澄明希阜

鸞之曉舞而都督渤海李公諱

闕二

庭誨八命分憂兩岐

標慶海澄泓量月灼貞明德之至則膏

闕二

軒今惟行則

仁風發扇實來茲邑泛覽川原企佇邱墟慨然永歎曰城

郭猶是鶴鳴千歲之歌陋巷空存人饗一瓢之樂淶池春

欽定全唐文

卷三百六十五

張之宏

三

盡白露秋生古往今來曷惟其已皇上禮行鄒魯思闡文
明則夫子乘通三之尊克公列惟五之長乃顧而謂之宏
曰張令文蔚國章智樹仁策撝光可大譽望克韶宣王旣
以銘焉克公豈宜闕爾恭惟嘉命勒茲徽猷俾夫亞聖同
之前美由是也故得繚宮牆殖庭宇棹鳳翼瓦魚鱗清泠
萃風曠曠照日綠樹霍靡紅藥鬢影林霽嘒鶯階香舞蝶
宴於斯餞於斯器用陶匏粢食不繫命曰稱克公之德歟
遂吮墨含毫聆竒瞬美網鳳策獵麟書牽彼朱絲緯茲黃
絹其頌曰

珠毓滄溟鳳飛丹穴況德君子聞諸往說彼美充公儒林
秀樹惠和天授聲聞風烈道成四友德浮十哲魯明御敗
衛通哀洩宛爾龍盤颯然鶴髮噫天喪予芳蘭已折

其一聖

皇有道四隩攸同恩覆天宇令發春風緬懷泗上睿想淹
中俯徵魯禮贈此充公天書戾止儒術昭融弁冕載頽威
光自雄皇情有實陋巷何空

其二

昭昭良牧彬彬文質熊軾

輜風隼旗槩日嶽鎮鄒魯道流溟渤神秀疎聳靈鑒朗逸
德柔去殺仁深濟物來斯懷古中心壹鬱麥秀已謠黍離
云迷爰命作頌傳諸故實

其三

瞻彼魯國地固人安龜鳧鬱

金匱要略卷之三
氣洙泗鳴湍禮經雲委物產星攢伊子作宰諒匪能官蒲
城懷仲河陽謝潘焚絲可理製錦良難儉懷簞笥禮想雩
壇塗荒露浥樹古風殘愛而不見慨然永歎棟宇是葺金
石斯刊悠悠千載其芳若蘭

萬楚

楚開元中進士

對糞田判

或以齋月屠犬縣科殺生曰爲輕喫所用

春鴈促農黎人務穡用宜種耜取化原防苟磽确之不滋

將彊隳之須冀或以今茲齋月言叶上春東作乃興咸持
錢縛南畝斯饁必漬糞麻時器所以勸氓興勸由其阜俗
我疆我理庶起芄芄之秀或耔或耘思播茫茫之迹九夫
取歡于歲稔十千期給于公征貪我上腴陷茲中典且農
爲理本法在禁弛有利輕獎誠宜重穀何繫之屠犬而謂
殺生應稽諸草人將勤浸種縣司麗法詎曰優農或且犯
齋期于宥獄

崔恁

恁元宗時人

對履畝判

景爲諸侯履畝擇其最好者取之百姓上訴御
史糾違法云非入已

公田有恤私家有封人或不安君孰與足景分茅賜爵剪
葉稱孤奪力役於夫家怠政教於公府徒使我疆我理空
對汙萊爾宅爾田惟瞻礪确不勤東作但履西成急下民
之見糧旣同蝥賊務公家之厚斂寧有盜臣豈漢文施令
之心乃魯宣救弊之術子行而法則有周公之典我愛其
禮請遵尼父之言未可加刑宜從削地

孫恂

恂天寶十載官陳州司法參軍

唐韻序

蓋聞文字聿興音韻乃作蒼頡爾雅爲首詩頌次之則有
字統字林韻集韻畧述作頗衆得失互分惟陸生切韻盛
行於世然隋珠尚類虹玉仍瑕注有差錯文復漏誤若無
刊正何以討論我國家偃武修文大崇儒術置集賢之院
召才學之流自開闢以來未有如今日之盛上行下效比
屋可封輒罄謏聞敢補遺闕兼習諸書具爲訓解州縣名

號亦據今時字體從木從才著亻著亻施爻施支安介安
禾並悉具言庶無紕繆其有異聞竒怪傳說姓氏原由土
地物產山河草木鳥獸蟲魚備載其間皆引馮據隨韻編
紀添彼數家勒成一書名曰唐韻蓋取周易周禮之義也
及案三蒼爾雅字統字林說文玉篇石經聲韻聲譜九經
諸子史漢三國志晉宋後魏周隋陳宋兩齊書本草姓苑
風俗通古今注賈執姓氏英賢傳王僧孺百家譜周何潔
集文選諸集孝子傳輿地志及武德已來創置迄開元三
十年並列注中等夫輿誦流汗交集愧以上陳天心又有

元青子吉成子者則汝陽侯榮之曾孫卓尔好古博通內
外遁祿巖嶺吐納自然抗志鈴鍵棲神梵宇淡泊無事希
夷絕塵倏忽風雲靈燄怡懌考窮史籍廣覽羣書欲令清
濁昭然學之上有終日而忘食有連宵而不寐案搜神記
精怪圖山海經博物志四夷傳大荒經南越志西域記西
壑傳漢纂藥論證俗方言御覽字府及九經三史諸子中
遺漏要字訓義解釋多有不載必具言之子細研窮究其
巢穴澄凝微思鄭重詳思輕重斯分不令恩糅絨之金篋
珍之寶之而已哉寧辭阻險敢不躬談一訴愚心克諧雅

況依次編記而不別番其一字數訓則執優而尸之劣而副之其有或假不失元本以四聲尋繹冀覽者去疑宿滯者豁如也又紐其脣齒喉舌牙部件而次之有可紐不可行之及古體有依約之並采以爲證庶無壅而昭其馮起終五年精成一部前後總加四萬二千三百八十三言仍篆隸石經勒存正體幸不譏繁於時歲次辛卯天寶十載也

于休烈

休烈河南人開元初進士擢制科累遷比部郎中出爲中

部郡太守肅宗朝擢工部侍郎徙國子祭酒代宗立累進
工部尚書封東海郡公加金紫光祿大夫大厯七年卒年
八十贈左僕射諡曰元

請停命婦入朝奏

據周禮有命夫命婦夫朝人主婦朝女君自永徽五年以
則天爲皇后始行此禮其日也命婦又朝光順門朝官命
婦並入雜處殊爲失禮

張良不合配饗太公奏

臣昨因秋饗漢高祖廟見傍無侍臣饗太公廟有張良在

創伏以子房生於漢初翊奉高祖坐籌帷幄佐定天下考其年代不接太公自古配饗廟庭陪塋陵寢皆取當時佐命同受哀榮太公人臣不合以張良配饗請移於漢祖廟

請搜訪國史奏

國史一百六卷開元實錄四十七卷起居注并餘書三千六百八十二卷並在興慶宮史館京城陷賊後皆被焚燒且國史實錄聖朝大典修撰多時今並無本伏望下御史臺推勘史館所繇令府縣招訪有人別收得國史實錄如送官司重加購賞若是官書仍赦其罪得一部超授官得

一卷賞絹十匹

請不賜吐蕃書籍疏

臣聞戎狄國之寇也經籍國之典也戎之生心不可以無備典有恒制不可以假人傳曰裔不謀夏夷不亂華所以草其非心在於有備無患昔者東平王入朝求史記諸子漢帝不與蓋以史記多兵謀諸子雜詭術夫以東平漢之懿戚尚不欲示征戰之書今西戎國之寇讎豈可貽經典之事且臣聞吐蕃之性慄悍果決敏情特銳喜學不回若達於書必能知戰深於詩則知武夫有師干之試深於禮

則知月令有廢興之兵深於傳則知用師多詭詐之計深於文則知往來有書檄之制何異借寇兵而資盜糧也臣聞魯秉周禮齊不加兵吳獲乘車楚屢奔命一以守典存國一以喪法危邦可取鑒也且公主下嫁從人遠適異國合務夷禮返求良書愚臣料之恐非公主本意也慮有奔北之類勸教於中若陛下慮失蕃情以備國信必不得已請去春秋當周道既衰諸侯強盛禮樂自出戰伐交興情僞於是乎生變詐於是乎起則有以臣召君之事取威定霸之名若與此書國之患也傳曰干戈請曲縣繁纓仲尼

云惜也不如多與之邑惟名與器不可假人狄固貪婪貴
貨易土正可錫之綿綺厚以玉帛何不率從其求以資其
智臣忝列位職刊校祕籍實瀟經典棄在夷狄昧死上聞
伏惟陛下深察

蔡希綜

希綜曲阿人

法書論

夫書匪獨不調端周正先藉其筆力始其作也須急回疾
下鷹視鵬游信之自然猶鱗之得水羽之乘風高下恣情

流轉無礙每字皆須骨氣雄強爽爽然有飛動之態屈折之狀如銅鐵爲鉤牽掣之蹤若勁直針下主客勝負皆須姑息先作者主也後爲者客也旣構筋力然後裹束必須舉措合則起發相承輕濃似雲霧往來舒卷如林花間吐每書一紙或有重字亦須字字意殊予頃嘗爲一體書賦亦畧陳梗槩今復論之用臻其理夫始下筆須藏鋒轉腕前緩後急字體形勢狀如蟲蛇相鉤連意莫令斷仍須簡畧爲尚不貴繁冗至如稜側起伏隨勢所立大抵之意員規最妙其有誤發不可再摹恐失其筆勢若字有點處須

空中遙擲下其勢如高峯墜石又下筆勢如放箭箭不欲遲遲則中物不入然則施於草跡亦須時時象其篆勢入分章草古隸等體要相合雜發人意思若直取俗字則不能光發於牋豪若非靜思閑雅發於中慮則失其妙用也

法書論

余家厯世皆傳儒素尤尚書法十九代祖東漢左中郎邕有篆籀八體之妙六世祖陳侍中景厯五世伯祖隋蜀王府記室君知咸能楷隸俱爲時所重從叔父右衛率府兵曹參軍有鄰繼於八體之蹟第四兄緱氏主簿希逸第七

兄洛陽尉希寂並深工草隸頗爲當代所稱也周宣王史籀作大篆秦始皇程邈改爲隸書東漢上谷王次仲以隸書改爲楷法仲又以楷法變爲八分其後繼蹟者伯喈得之極元常或其亞草聖始自楚屈原章草興於漢宣帝楷法則曹喜師宜官梁鵠皇象羅景趙嗣邯鄲淳胡昭杜度草法則崔瑗崔寔張芝張昶索靖衛瓘衛恒羲獻宋齊之間王僧虔羊欣李嶺東蕭子雲蕭思話陶隱居永禪師唐房喬杜如晦楊師道裴行儉高士廉歐陽詢虞世南及陸柬之褚遂良薛稷其次有瑯琊王紹宗潁川鍾紹京范陽

張庭珪亦深有意焉父兄子弟相繼其能者東漢崔瑗及
寔宏農張芝與弟昶河東衛瓘及子恒潁川鍾繇及子會
瑯琊王羲之及子獻之西河宋令文及子之孫東海徐嶠
之及子浩蘭陵蕭詵及弟諒如是數公等並遭盛明之世
得從容於筆硯始其學也則師資一同及爾成功乃菁華
各擅亦猶綠葉紅花長松翠柏雖占雨露孕育於陰陽而
盤錯森梢芊茸豔逸各入門自媚詎聞相下咸自我而作
古或因奇而立度若盛傳於代以爲貽家之寶則八體之
極是歸乎鍾蔡草隸之雄是歸乎張王此四賢者自數百

載來未之逮也

欽定全唐文卷三百六十六目錄

新文豐出版社藏書

賈至

元宗幸普安郡制

詔天下搜賢俊制

誠示諸道制

授裴遵慶給事中制

授崔寓給事中制

授張孚給事中制

授高適諫議大夫制

授張鎬諫議大夫制

授暢瓘諫議大夫制

授王延昌諫議大夫兼侍御史制

授杜鴻漸崔倚中書舍人制

授裴綜起居郎制

授韋啟左拾遺制

授張伯禽等通事舍人制

授徐浩尚書左丞制

授李巨憲部尚書制

授房琯刑部尚書制

授韋陟文部尚書制

授韋綬禮部尚書薛放刑部侍郎丁公著工部侍

郎等制

授盧正己工部尚書河南尹東都留守制

授李峘武部侍郎制

授楊綰禮部侍郎制

授韋環司封郎中制

授裴諝考功郎中制

授程休文禮部郎中制

授王璵祠部郎中兼侍御史制

授張畧兵部郎中邱據兵部員外郎制

授邢宇司封員外郎制

授李莘禮部員外郎制

授韋少遊祠部員外郎等制

授裴薦攝主客員外郎制

授敬羽武部員外郎兼殿中侍御史制

授學士李讓夷職方員外郎充職制

授李何忌職方員外郎制

授趙良弼司庫員外郎制

授柏庭昌憲部員外郎制

授李岑工部員外郎制

授宋晦屯田員外郎制

授韓滉吏部郎中制

欽定全唐文卷三百六十六

賈至

至字幼鄰禮部侍郎曾子擢明經第解褐單父尉從元宗幸蜀拜起居舍人知制誥歷中書舍人廣德初擢禮部侍郎大歷中轉京兆尹兼御史大夫累封信都縣伯遷右散騎常侍卒年五十五贈禮部尚書諡曰文

元宗幸普安郡制

門下我唐受命百有十載德澤浸於荒裔聲教被於殊隣紹三代之統緒綜百王之禮樂我高祖神堯皇帝奄有大

寶應天順人我太宗文武聖皇帝戡難造邦光宅天下我
高宗天皇大帝修文偃武惠綏四方我中宗孝和皇帝聿
遵孝德惟新景命我睿宗大聖真皇帝清明在躬元化溥
暢朕承累聖之洪訓荷祖宗之不緒兢兢業業不敢自寧
往歲韋氏作逆宗社將墜是謂翼戴先后掃蕩兇徒宸極
旣貞宸區載晏爾來在位垂五十年中原幸無師旅戎狄
歲來朝貢夙興盱食勤念蒼生庶宏至理永躋仁壽愧無
帝堯之聖德而有寄體之不明致令賊臣內外爲患蔽朕
耳目遠朕忠良或竊弄威權或厚斂重賦泉壤一漏成此

滔天構逆召戎馳突中夏傾覆我河洛擾亂我崤函使衣
冠奔走於草莽黎庶狼狽於鋒鏑伊朕薄德不能守厥位
貽禍海內負茲蒼生是用罪已責躬寤寐戰灼上媿乎天
地下媿乎庶人外媿乎四海內媿乎九族乾乾惕厲思雪
大恥夫定禍亂者必仗於羣才理國家者先固其根本太
子亨忠肅恭懿說禮敦詩好勇多謀加之果斷永王璘盛
王琦豐王珙皆孝友謹恪樂善好賢頃在禁中而習政事
察其圖慮可試艱難夫宮相之才師傅之任必資雅善允
屬忠貞況四海多虞二京未復今當慎擇實惟其人太子

亨宜充天下兵馬元帥仍都統朔方河東河北平盧等節度採訪都大使與諸路及諸副大使等計會南收長安洛陽以御史中丞裴冕兼左庶子隴西郡司馬劉秩試守右庶子永王璘宜充山南東路及黔中江南西路等節度支度採訪都大使江陵大都督如故以少府監竇紹爲之傳以長沙郡太守李峴爲副都大使仍授江陵郡大都督府長史兼御史中丞盛王琦宜充廣陵郡大都督仍領江南東路及淮南河南等路節度採訪都大使依前江陵郡都督府長史劉彙爲之傳以廣陵郡長史李成式爲副都大

使兼御史中丞豐王珙宜充武威郡大都督仍領河西隴
右安西北庭等路節度支度採訪都大使以隴西郡太守
鄧景山爲之傳兼武威郡都督府長史御史中丞充副都
大使應須兵馬甲仗器械糧賜等並於當路自供其諸路
本節度採訪支度防禦等使號王巨等並依前充使其署
官屬及本路郡縣官並各任便自簡擇五品以下任署置
訖聞奏六品以下任便授已後一時聞奏其授京官九品
以上並先授名聞奏聽進止其武官折衝以下並賞借緋
紫任量功便處分訖聞奏其有文武奇才隱在林藪宜加

辟命量事獎擢於戲咨爾元子等敬聽朕命謹恭祗敬以
見師傅端莊簡肅以莅眾官慈恤惠愛以養百姓忠恕哀
敬以折庶獄色不可犯以臨軍政犯而必恕以納忠規往
欽哉無替朕命各頒所管咸令知悉

詔天下搜賢俊制

勅朕聞惟理亂在庶官以先王旁求俊彥思皇多士以倡
九牧阜成兆人頌者姦臣執權專利冒寵惟正直是醜惟
邪佞是比壅塞賢路罔蔽天聰使忠臣不得盡其謀才士
不得展其用廢三載之黜陟寢九德之推擇多有老於郎

署滯於邱園吏稱無人才不給位朕以薄質嗣守大寶寇
戎未殄王業惟艱兢兢乾乾日慎一日緬惟堯舜求賢之
意周公吐握之義思欲廣進髦乂輔寧邦家實賴公卿大
夫宏我視聽易曰方以類聚語曰舉爾所知凡宰相王臣
宜加搜擇其常參官及郡縣長史上佐等皆從厯試而踐
通榮如各知其密行異能博學深識才堪濟代術可利人
名不彰聞位不充量湮淪屠釣流落風波者一善可錄便
宜公舉遠則裁表附驛近則進狀奏聞勿避親讐無限儕
伍其有獨負奇才未逢知己即仰投匭并所在陳狀自論

長官登時與奏夫惟薦士非止一舉永爲恒典有即登聞
昔荀桓子立翟之功士伯受瓜衍之邑柳下惠賢而不舉
臧文仲被竊位之名春秋書之千載不朽凡百在位可不
勉歟宜宣示中外令知朕意

誠示諸道制

王者省方諸侯述職以時受計其來久矣自鑒輿南幸西
巴底寧俾予小子受命討難越自河隴及於朔陲兼北狄
兵車億萬同至待收秦中後定河洛狂寇窮窘不日翦滅
朕以百姓爲心敢忘終食中夏未清慮有驚擾且吏者人

之師非吏何以安人良化惠風在於循吏當用兵振旅之際事充政重之時必去煩苛存乎慈惠須岳牧令長以鎮撫者也且懲惡勸善激濁揚清尋有使車黜陟當備知之朕每命中官及諸出使所至郡縣妄宣口勅徵求賦斂便即奏聞不可容隱朕以軍政孔殷朝會未備禮猶闕於筐篚時且急於甲兵鄉昭宣國令以示民庶履新之慶與卿等同之

授裴遵慶給事中制

勅禮部郎中裴遵慶清正介直公才雅望智能利物行可

檢人今東夏務殷宰臣任重是資髦士以佐輶軒宜居駁議之職仍領銓衡之務可給事中

授崔寓給事中制

門下會稽太守崔寓識敏而周器清而直有冉季之政事兼應劉之詞藻累昇臺省咸以才遷驟歷藩僚時惟德舉左曹樞近爰司駁正宜擇士林之秀俾參鸞渚之榮可給事中

授張孚給事中制

勅司膳郎中張孚果行育德疏通知遠是瑚璉之良器抱

豫章之美才文以藻身屢得詞場之雋公而持操更推吏道之能譽洽禮闈風清憲簡宜擢拜於青瑣俾駁議於黃樞可給事中

授高適諫議大夫判

勅監察御史高適立節貞峻直躬高朗感激効經濟之畧紛綸瞻風雅之才長策遠圖可云大體讜言毅色實謂忠良宜迴糾遯之任俾超風諭之職可守諫議大夫

授張鎬諫議大夫制

門下侍御史南汝疑節度判官張鎬崇德廣業宣慈惠和

主善爲師志古之道或直而溫可以居諫諍之任或強而
誼可以在準繩之職或理而敬可以司草奏之繁官得其
人鮮有敗事列於鴛鴦僉曰惟允可諫議大夫

授暢瓘諫議大夫制

勅爲川者決之使導爲臣者宣之使言故堯有敢諫之鼓
誹謗之木此其所以聖也楚靈稱凡百箴諫吾盡知之無
怫吾慮此其所以敗也朕嗣守鴻業時方艱難實賴有位
之士匡其不及故注意諫臣必求諸道關內監河判官暢
瓘頤真養正精潔惠和有質直而無流心秉忠信而持謹

議頃歲去職晦跡邱園愛其身以有待養其志以有爲厥德不回允諧司議可兼諫議大夫餘如故於戲官之奇儒不能強諫春秋以爲失常臧僖伯繼論納郕鼎君子稱必有餘慶予違汝弼汝無面從

授王延昌諫議大夫兼侍御史制

門下古者天子有諍臣七人而事君有犯無隱故能獻可替否從諫則聖京兆少尹知雜王延昌學於古訓秉心塞淵以文藝之質飭幹時之器頃者彌綸省闈紀綱臺憲舊章克舉雅望攸歸貳政浩穰雖藉其條理列職規諷更思

其讜直諫大夫之密侍御史之雄爾宜兼之以匡予理可
諫議大夫兼侍御史知雜餘並如故

授杜鴻漸崔倚

一作倚

中書舍人制

勅知中書舍人鴻漸等忠肅恭懿美秀而才蘊清通之理
義兼貞固之幹能用制軍誥允屬夏卿持衡審官時惟小
宰慎擇多士僉曰爾諧宜當銓綜之劇仍掌絲綸之任鴻
漸可守中書舍人判武部倚守中書舍人判文部侍郎
授裴綜起居郎制

勅左史記事君舉必書先王之制也晉則董狐書法不隱

楚則倚相能讀典墳善惡成敗實由其言慎擇端士永難
其人殿中侍御史裴綜緒業清純言行惇敏俾之直簪庶
勗厥官可行起居郎

授韋啟左拾遺制

勅劍門縣令韋啟雅有文詞仍兼政術諫官近密必擇正
人忠謹之言期於無隱可左拾遺

授張伯禽等通事舍人制

勅太子左贊善大夫張伯禽博雅溫良能詳故事左金吾
衛兵曹參軍張總淑慎徽美可立於朝休有令聞忠而周

敏出納朕命僉曰爾諧伯禽可兼試太子僕總可守通事舍人

授徐浩尚書左丞制

勅中書舍人徐浩精潔惠和敏而好學有凌雲之詞賦兼臨池之翰墨祗勤直道厥德允修右掖司言已光綸綍南宮掌轄仍佇紀綱可兼尚書左丞

授李巨憲部尚書制

門下褒賢策勲國之大典允文允武人之所賴陳留太守嗣號王巨杖劍分閫專征東夏俾鎮遏寇之職以寵維城

之固可守憲部尚書

授房琯刑部尚書制

門下蠻夷猾夏舜命皋陶作士楙功邁德黎民懷之周官
大司寇亦以五刑糾萬民之命邦典定諸侯之獄明德慎
罰先王至理前漢州刺史房琯旣明且哲貞靜尚寬有文
行可濟於時有直言能匡其國獻可替否翼亮先朝今寇
賊初熾蒼生凋弊議獄緩死刑期無刑是用採人望於舊
臣舉國楨於元老俾掌二典以弼五教庶不仁者遠姦宄
道消尚德優賢仍加八命可特進兼刑部尚書封如故

授韋陟文部尚書制

門下周官大冢宰以九職任萬人三歲大計羣吏之誅賞
選部綜覈時惟厥任非正人表臣齊明敏哲不可處此御
史大夫郇國公韋陟代篤惟忠祇勤於德文可以經國業
可以濟時有鄭僑惠主之仁懷史轡君子之道頃居小宰
翼勤萬務銓鑒而必審其實拔舉而不失其能秉心塞淵
厥有成績可守文部尚書餘如故

授韋綬禮部尚書薛放刑部侍郎丁公著工部侍郎

郎等制

勅尚書左丞韋綬等朕在東宮時先皇帝垂慈聖之德念
予冲蒙選端士通儒使講貫今古自禮樂刑政暨君臣父
子之道博我約我日就月將俾予於今不至牆面克荷不
訓大揚耿光實綬放公著之力也故朕嗣位未踰時月或
自郡邸或自省署徵擢寵用爲丞郎給事中官雖超拜職
亦具舉師道光而心愈讓人爵貴而身益恭宜更褒升重
酬輔導以綬精粹辯博有先儒之風可作秩宗以放端明
愼重行君子之道可居憲部以公著檢敬規度得有司之
體可貳冬官於戲貞百工平五刑典三禮皆重任清秩子

無愛焉蓋欲表二三子道不虛行而明予一人德無不報也綏可禮部尚書放可刑部侍郎公著可工部侍郎餘官並如故

授盧正己工部尚書河南尹東都留守制

門下昔成王命君陳分正成周尹茲東郊曰惟爾令德孝恭克施有政實大其舉俾振厥職先朝故事以擇舊德元老貞固之臣每居守焉今寇逆始平洛師殘弊周南分陝寄莫斯重太府卿盧正己忠肅恭懿仁而愛人專鎮分憂居必致理是用命爾問疲瘵之俗政必以寬化遷習之人

謨必以義勸農穡之務事必以靜禁侵漁之暴令必以嚴
可守工部尚書東都留守散官勲封如故於戲無替朕命
主者施行

授李恒武部侍郎制

門下全蜀與區梁岷設險時清作鎮恒難其人況中夏未
寧上皇南幸益州之政允資忠諒非親非賢何以兼腹心
爪牙之任前襄陽太守李恒貞固簡肅宗枝標秀厯踐中
外咸克有聲今巴蜀之地停鑾駐蹕舉爾以文武之才倚
爾以維城之固且小司馬之職連率之重兼而處之不曰

厚寄懋哉厥德無替朕命可行武部侍郎

授楊綰禮部侍郎制

門下鯨鯢初懸理化未洽思敦馳驚之俗必宏廉退之風
太常少卿兼修國史楊綰質稟天和才浸大雅理能自暢
學不爲人自委身於周行孤立於中道喜愠莫形於顏色
外物無得而親疏聲問日高志致彌遠固足以抑揚雅俗
宏獎素風宜貳職於南宮仍屬詞於東觀俾難進之夫增
氣干仕之子知慙斲雕澄源朕志斯在可守禮部侍郎仍
修國史餘如故施行

授韋環司封郎中制

勅司駕員外郎韋環忠義激切智深謀敏懷斷割之利用
慨國家之深讐淮海多虞寇戎未殄是擇才彥佐斯旄鉞
宜氣臺閣以懋勲庸可司封郎中充淮南行軍司馬兼召
募使

授裴諝考功郎中制

勅君子立義爲勇在國而能通故全其節而成其務矣守
太子中允裴諝言忠信行篤敬有敏才斯可與權有直道
磨而不磷造次顛沛秉心塞淵宜獎貞固之風俾緝臺閣

之政可守考功郎中

授程休文禮部郎中制

勅司封郎中程休文郎中應列宿之位御史爲準繩之舉
紀必以德任難其人況於四海多虞兩京未復臺省樞要
非賢不居或以節推或以才擇可守禮部郎中

授王璵祠部郎中兼侍御史制

勅知上黨司馬事王璵藏器於身策名清列多才多藝知
微知章歷茲艱難屢有籌畫宜兼臺省之任仍總師戎之
役可祠部郎中兼侍御史充招討權宜處置使

授張禹兵部郎中邱據兵部員外郎制

門下上應列宿尚書郎所以稱美也中持風憲侍御史所以推雄也况兼之藩翰加以師旅宜求異才允廸厥職澤州刺史張禹有貞固之資爲幹時之器澤潞司馬殿中侍御史邱據秉溫良之質多利物之才咸提綱憲府佐理戎幕以示修直展其謀猷必將大耕戰之圖宏臺閣之務式加新秩俾修舊政禹可守兵部郎中懷州刺史據可兵部員外郎依前行軍司馬

授邢宇司封員外郎制

勅前戶部員外郎邢宇雅志冲澹敏識精達養閑移疾亦有歲年南宮地清列宿虛位擢才進善以佐邦理可守司封員外郎

授李莘禮部員外郎制

勅九隴令李莘學行薰茂藻思清新譽流京劇政洽巴庸會府章奏之殷春官典禮之要任難其選才可當人可試禮部員外郎

授韋少遊祠部員外郎等制

勅左補闕直宏文館韋少遊修詞懿文終溫且惠守右監

門衛曹參軍許登振藻揚采穆如清風並藏器於身陳
力就列南宮郎位是登題柱之才左禁諫臣方求折檻之
直少遊可檢校祠部員外郎登可右拾遺

授裴薦攝主客員外郎制

勅左拾遺裴薦正直而溫洵美且惠有紛綸之詞藻懷耿
介之志氣自居近侍屢獻讜言中原未寧隣國是協俾領
攝於郎署爲專對之使人可攝主客員外郎

授敬羽武部員外郎兼殿中侍御史制

勅攝武部員外郎朔方採訪等使敬羽美才多適直道滅

私通明可以斷疑貞固足以幹事自持風憲糾逖回邪不吐茹於剛柔有鷹鷂之搏擊與能褒美俾轉臺端載執謙光思宏讓節宜遂其懇志退守本官可守前官

授學士李讓夷職方員外郎充職制

勅夫言語侍從之臣非賢不命久而加獎則彝典也翰林學士朝議郎行左補闕賜緋魚袋李讓夷器以琢成材爲衆出蘊積邁時之志發明扶道之心學務研精文推軼拔早飛身於戎幕遂躡位於諫垣忠言屢聞密命斯委果揚溫雅之稱宜獲訐謨之効亦旣久次宜所轉遷受假寵於

握蘭用酬勞於視草勉宏前懿以服寵榮可行尚書職方員外郎依前充翰林學士散官賜如故

授李何忌職方員外郎制

勅右補闕李何忌後進人物一時雋選或不承清緒多負美才或直言正詞有犯無隱或繡衣持斧摘伏擒姦或馳譽翰林文詞藻麗或知名吏道政事詳密在邦必達厯試有聞宜居鵷鷺之列俾宏準繩之紀可試職方員外郎

授趙良弼司庫員外郎制

勅攝河東司馬趙良弼以敬直方內義形於色蘊帷幄之

謀畧眞士林之忠良元戎起行師出以律將謀韓厥之職
宜選子方之智俾登仙署仍佐中權可行司庫員外郎充
朔方行軍司馬

授柏庭昌憲部員外郎制

勅監察御史柏庭昌吏道稱優公才致遠文法之用蓋推
於友朋操制之能亦聞於臺省仙郎之選人譽斯歸道有
藉於簡孚官不循於資序當茲清職宜勗慎擇可憲部員
外郎

授李岑工部員外郎制

勅京兆府兵曹參軍李岑敏而好學出言有章累登甲乙之科嘗居匡輔之任雋才利器在邦必聞俾振翮於仙署用揚光於列宿可工部員外郎

授宋晦屯田員外郎制

勅行殿中侍御史宋晦質性溫敏行能詳實再策名於霜簡久更事於輜軒理必有常條能不紊禮闈舉直郎署求才俾迴秋憲之威以佐冬官之屬可屯田員外郎

授韓滉吏部郎中制

勅尚書郎中佐理六卿事關政本御史則舉直錯枉綱紀

周行非雅正之才難在斯任吏部員外郎韓滉恪慎惇敏
飭吏以文夙夜在公咸宜進位可吏部郎中